

STORACLES OF PROPHECY

Kumtul Mi

Daniel 2:1-49


Ta-ang Thu . . .

Babylon kumpi gam pen, hauhna leh nopsakna tawh akidim lai takin, Nebuchadnezzar in alupna tung panin thu ngaihsun hi. Bang tarvei hih ka kumpi gam kip dinga, kei sih khitciangin bang suak ding hiam? ci-in ngaihsun hi.

Tua banga alungngahil laitakin, kumpipa mengme kha hi. Ama-ang sungah mel tuamtuam tawh akizem ataang mahmah milimpi khat mu hi. Tua amuh milimpi tawh kibang khat vei beek mu ngei nailo hi.

Kumpipa akhanlawh ciangin thakhathu-in alupna pan diangkhia a, amah acingte kiangah hih bangin gen hi: "Manlang takin mitphial bawltheite mipilte, aksi lam siamte hong sam un, ka ma-ang hong khiatsak thei kha ding uh hi," ci hi.

Kumpipa' mipilte khempeuh manlang takin alungkham mahmah Kumpipa mai ah hong kikhawm uh hi. "Ma-ang lamdang mahmah khat ka nei-a, akhiatna ka thei nuam pha mahmah hi, ci hi." Daniel 2:3. Kamsaang kisiamsak khat in dawngin, "Na ma-ang hong gen lecin akhiatna ka hong gen thei ding hi." ci hi. Ahih hangin Kumpipa in ka ma-ang bang hiam ka thei nawn kei hi tua ahih ciangin ka ma-ang leh akhiatna hong gen un, nong gen theih uh leh letsong tami kong pia ding hi, aci hi.



AMAZING FACTS

Hih Babylon mipilte in Pasian kiang pan-a thu thei bangin kibawl uha, ahih hangin Kumpipa in a-up nawn phat loh nading hong kipanta hi. Hih mun lian ah atheih taktak uh leh taktak loh uh hong kitel nading hita hi. Kumpipa in a sawltaakte kiangah gensak a, Ka ma-ang leh akhiatna hong gen un, nong gen theih uh leh letsong tami kongpia ding hi. Nong gen theih kei uh leh na sa uh kong semnen dinga na inntu uh nin kholna mun ka suaksak ding hi, aci hi.

Mitphial bawltheite leh aksi lam siamte in, ki-im thei nawnllo-in Kumpipa ma-ang theih phot lo-in, akhiatna agen theih het lohna uh siangtakin hong pulak ta uh hi. Tua ciangin Kumpipa heh mahmah a, Babylon mipil teng khempeuh thah khit dingin thupia hi. Ahih hangin tua ma-ang sunga agol mahmah Kumtul Mi ii thu agen thei ding leh akhiatna akhia thei ding Pasian in Babylon mipilte lakah mi khat nei hi.

Thu Sinna

Laisiangtho na sim khitciangin a awng munte behlap in.

1. Banghang Pasian in Babylon kumpipa hih ma-ang mansak hiam?

Daniel 2:28 Ahih hangin _____ a lak thei vantungah Pasian khat aom hi Amah in _____ bang thu hong piang ding cih nangmah Nebukhannezzar kumpipa tungah ahong hilh zo hi.

Phawk Ding: Hih nam tami akigawm milimpi in mailam kum 1000 lom te sungah bang hong piang dinga, kumpi khat khit kumpi khat hong pian nading lam Pasian in Ama mite hong thei sak hi.

2. Kumpipa mipilte in ma-ang leh akhiatna atheih loh uh ciangin Kumpipa in bang thupia hiam?

Daniel 2:12 Kumpipa heh mahmah a, Babilon sunga kumpi thudot mipilte khempeuh _____ khit dingin thu apia hi.

Phawk Ding: Aksi lam siamte leh mitphial bawlte in nalAMDANG bawl theih nadingin vanglatna nei bangin kibawl uh hi. Ahih hangin ma-ang leh akhiatna hong gen theih loh uh ciangin a zuauphuakte, mi khemte ahih na uh hong kilang hi. Kumpipa in a ma-ang gen thei hi zen leh, amau ut bangin akhiatna gen sawm uh hi. Hehna tawh kumpipa in mipil teng khempeuh aom late nangawn thah khit ma-ang dingin thu hong pia hi. Tua aom late lakah, sila ahi Pasian akihta kumpi nasem dinga kisincil Daniel aom hi.

3. Thah khit ding thu Daniel in a theih ciangin, kumpipa kiangah bang ngen a, alawmte kiangah bang gen hiam?

A. Daniel 2:16 Tua ciangin Daniel kumpipa kiangah pai a, a ma-angmat a _____ a hilh theih nading, _____ tawmvei sung akingak lai nadingin phalna angen hi.
B. Daniel 2:17, 18 Tua ciangin Daniel inn ah ciah a, thupiang teng khempeuh alawmte Hananiah, Mishael leh Azariahte kiangah a _____ hi. Amah in vantung Pasian in amauthe hehpih a tua genkhia thei a, ...

Phawk Ding: Daniel in Kumpipa kiangah, hun tawmkha apiak nadingin ngen a, ma-ang leh akhiatna ka hong gen ding hi ci hi. Kumpipa in ama-ang thei nuam lua ahih manin Daniel netra a zak ciangin lungdam mahmah hi. Tua ciangin alawmte tawh na khempeuh athei apiangsak vantung Pasian kiangah ma-ang leh akhiatna atheih nadingin thungen uh hi.

4. Pasian in Daniel tungah ma-ang leh akhiatna ahilh khitciangin, amah in kua tungah phatna pia hiam?

Daniel 2:23, 28 Nang ka pu ka pate _____ na hi a, Ka hong phat a, ka hong zahtak hi. ... Ahih hangin _____ alak thei vantungah _____ khat aom hi.

Phawk Ding: Kumpi gam khat hong dinna leh hong puknate mihingte bawl tawh akibat hangin, Daniel thungetna ih theih ciangin, mihingte hang hilo zaw-in Pasian bawl hizaw hicih ih thei hi. Pasian in atheih khakloh leh aphalloh-a thupiang khat beek omlo hi. Khat veivei hih leitunga thupiangte banghang hiam cih ih tel loh tami om-a, ahih hangin muanhua takih theih thu khat in Pasian in na khempeuh uk hi cih ih thei hi. Daniel in kumpipa ma-ang leh akhiatna gen thei a, ahih hangin ama theihna hilo-in vantung Pasian kiang pan hicih limtakin gen hi.

5. Daniel gen Kumpipa in ama-ang sungah amuh thu nam nih bang hiam?

A. Daniel 2:31 Kumpipa aw, na ma-angin a te daldal _____ mahmah khat na mu a, kihtak huai mahmah in na mai-ah ading hi.
B. Daniel 2:34 Na et laitakin, kuama khuk lohin mual tung pan _____ khat hong tuk hi.

Phawk Ding: Amasa pen-in Kumpipa in anuai-a nam tami kihel milim mu hi:

1. A lutang kham.
2. A awm ngun
3. A gil leh aphei sumngo
4. A khe kahpasik.
5. AKheme te sik leh buan kihel

Tua laitakin kuama khuk loh suangtum hong tuksuk-in milimpi khe hong dengkha hi. Hih munah Kumpipa in kamka liangin lamdangsa-in akhiatna bang hong hitam maw ci-a kumpi tokhom pan-a angah ding bel lamdangsa huai hilo hi. Daniel in Pasian hilh bangin a ma-ang khiatnate gen hi. Laisiangtho leh genkholhna thute gen nadingin amuanhuai pen leh ahoih pen in Laisiangtho amah leh amah ih kikhiatsak ding ahi hi.

6. Kham lutang khatna bang ahi hiam?

Daniel 2:38 Tua kham _____ in nangmah na hi hi.

Phawk Ding: Kumpipa pen gam khat lutang ahi hi. Tua manin Nebuchadnezzar pen Babylon gam cihna hi a, genkholhna kipatna hong suak pah hi. Babylon ukna pen 612-538 B.C. sawt-a a minthang pen leh alian pen hong hipah hi. Hih genkholhna kham lutang pen Nebuchadnezzar hi a, Daniel hun pan hong kipan pah hi.

7. Babylon gam atawntungin akip mah ding hiam?

Daniel 2:39 Nang khitciangin nang sanga neu zaw kumpi gam _____ hong piang ding hi.

Phawk Ding: Babylon gam kip tawntung lo ding hi. Babylon sangin agina lo zaw gam khat in zogawp-in hong uk ding hi. Ngun in kham sangin mantawm zaw napi asak zawk mah bangin, Babylon nopsakna susia dingin Cyrus kumpi makai-in, 539 B.C. kum in Medo-Persian te in Babylon simin hong zo uh hi. Medes leh Persian te in 539-331 B.C. hun ciangdong uk uh hi. Amau uk sung khempeuh siah apiak uh ciangin ngun tang bek zang uh hi.

8. Ngun kumpi ahi Medo-Persia khitciangin bang kumpi in hong zom hiam?

Daniel 2:39 Tua khitciangin _____ ahi kumpi gam thumna in leitung khempeuh auk ding hi.

Phawk Ding: B.C. 331 kum Arbela kidona ah Alexander the Great in Medes leh Persian te hong zawh ciangin, sumngo kumpi ahi Greece in hong uk hi. Sumngo kumpi ahi Greek in B.C. 331-168 kum dong uk hi. Greek galkapte pen sumngo galkapte kici hi, ahangin agal van khempeuh uh sumngo tawh kibawl ahih man hi. En lehang azo kumpi gamte limcieng ahi ngunte sumngote mantawm zaw napi-in sak zaw-a, alel gamte manpha zaw napi nip zaw se cih pen atheih huai khat ahi hi.

9. Kumpi gam lina pen banglim tawh kilak hiam?

Daniel 2:40 Kumpi lina pen _____ bangin a khauh ding hi.

Phawk Ding: Kahpasik kumpi Rome in B.C. 168 kum ciangin Greek kumpi hong zo hi. B.C. 168 pan A.D. 476 kum dong Rome in hong uk hi. Ostrogoths in amat masiah dong nuam takin hong uk suksuk hi. Zeisu hong suah hun laitakin zong Rome kumpi in uk lai hi. Khial hetlo ahi linlian-a kumtul tampi thupiang ding te Daniel in a genkholt heith lam na tel hiam? Babylon, Medo-Persia, Greece, leh Rome kumpite abanban-in hong pian suksuk ding lam Laisiangtho genkholsa banglan-in hong piang suk takpi ahih lam leitung ta-anghbu te tungawnin zong ih theithehi hi.

10. Roman Empire hong kiat khitciangin bang hong piang ding hiam?

Daniel 2:41, 42 Tua in kumpi gam ki _____ ding cihna ahiihi ... Khemete khenhat sik hi a, khenhat tungman ahih mah bangin kumpi gam khenhat thahatin khen khat athahat kei ding hi.

Phawk Ding: A.D. 476 Kum-a Rome kumpi gam a kiat zia pen, gamdang khat in zogawp cih bang hilo a, barbarian akici minamte in Daniel genkholt mah bangin Rome kumpi gam kikhentaang sak uh ahi hi. Gam sawm-in khenham uha tu-in Europe gam kici hi. Tua te in Ostrogoths, Visigoths, Franks, Vandals, Alemannians, Sueves, Anglo-Saxons, Heruls, Lombards, leh Burgundians te ahi hi. Tua te lakah gam sagihte in tu dongin kip lai uh hi. Gentehna iin, Anglo-Saxons pen English hi a, Franks pen French, Alemannians pen Germans, Lombards pen Italians, Sueves pen Swetzaland, Portugee, Spain, cihte ahi hi.

11. Hih gam 10 te hong kigawm kik zo ding uh hiam?

Daniel 2:43 Tua kumpi gam ukte in kigawm ding hanciam in zi leh ta in akimat ding uh hi. Ahih hangin sik leh buan a kimat theih loh mah bangin a _____ thei _____ ding uh hi.

Phawk Ding: European gamte in zi leh ta-a akimatnate leh kilem nading thuciam bawl nate tawh kilem kik ding hong hanciam uh hi. Tua ahanciamte in: Charlemagne, Napoleon, Kaiser Wilhelm, Mussolini, leh Hitler te ahi hi. European gam bup gawm kik ding nasia takin hong hanciam uha, ahih hangin Laisiangtho genkholsa bangin hih zolo uh hi. Mangmuhna 13 sungah biakna tawh pumkhat suah nading hong hanciam ding uh cih siangtakin hong gena, Ahih hangin Daniel kamsangpa in cikmah hun in hih leitung gam ukna khat sungah om ngei hetlo ding hi a cihmah bangin hong piang ding hi.

12. Kumpi gam nunung kua in hong phut ding hiam?

Daniel 2:44 Tua kumpite amaan laitak un, _____ in abei thei ngeilo ding kumpi gam ahong phut ding hi.

Phawk Ding: A kiphut ding nunung pen kumpi gam in, Matthew 25:31-34 sunga agen vantung kumpi gam hong hi ding hi.

13. Tua suangtum in kumpi gam dangte bang cih hiam?

Daniel 2:34, 35 Kuama khuk lohin suangtumpi khat hong tuuk a, sik leh tungman kigawm milim khete _____ iin akithehthang hi. Thakhat in sik, tung man, sumngo, ngun leh khamte _____ in neen gawp a, ... Ahih hangin tua suangtum hong khangkhang a _____ cia hong pha in leitung bup a dim hi.

Phawk Ding: Kuama khuk loh suangtum in Pasian kumpi gam ahi hi. Leitung kumpi gam hilo hi (Mangmuhna 21:1) sunga agen vantung gam ahi hi. Zeisu hong pai kik ciangin hih leitung haltum dinga hong puahthak sakin atawntung Ama kumpi gam hong phut ding hi (Daniel 2:44). Zeisu hong pai kik ding bangzah takin lawp huai hiam? Pasian Tapa hong pai kik ciangin genkholtuna thute khempeuh tangtunna hong hita ding hi. Nebuchadnezzar kumpipa in Jerusalem azawhgawp lai-in Pasian a zo bangin kingahsun kha thei mah ding hi (Daniel 1:1, 2) ahih hangin asawt lo-in Pasian in na khempeuh uk ahih lam thei pan ding hi. Mihingte nantaakna khempeuh ukpa in Pasian ahi hi. Ataktaik Amah in gal kidona ah gualzo ding hi. Babylon, Medo-Persia, Greece, Rome te leh gam 10 akikken kumpite in Pasian neihsa sut-in azo bangin kibawlin Pasian mite bawlsia uh hi, ahih hangin Topa Zeisu hong pai kikna in amaute susia ma-ang ding hi. Pasian tungah ih lungdam hi. Amah in kidona lianpi a gualzo ding hi!

14. Daniel in ma-ang leh a khatna teltakin agen khitciangin Nebuchadnezzar in Pasian tungah bang gen hiam?

Daniel 2:47 Kumpipa in, hih thu thukpi hong gen thei nahih manin na Pasian in thu thuk a lak, _____ khempeuh sung pana lian pen, kumpite tunga _____ ahi hi, aci hi.

Phawk Ding: Nebuchadnezzar kumpipa in Daniel biak Pasian in na khempeuh uk a, Babylon gam-a om milim pasian te khempeuh tungah om hi cih thei hi. Bang achih leh a ngaihsutna khel pak mawk hiam? Daniel leh alawmte in Pasian tungah acihtak manun Babylon gam-a sila te hi napi-in, Babylon gam maikaipi te suak uh hi (Daniel 2:48, 49). Pasian in amah a zahtaak mite zahtaakna a ngah sak hi (1 Samuel 2:30).

Nang Dawnya

Pasian in hih leitungah ukna khempeuh Ama khut ah om hicih na theih khitciangin, nang nantaakna zong hong uk leh na ut mah hiam?

DAWNNA: _____

Hilhcianna

Hih anuai-a te in telzawk nadingin hong huh ding hi.

Kham = Babylon

Kham lutangpen Babylon cihna hi a, leitung bup ahuzap avanglian gam hi B.C. 612-539 sung uk hi.

Ngun = Medo-Persia

Ngun awm pen Medo leh Persia kumpi cihna hi a leitung bupah a ukna kizel a B.C. 539-331 sung uk hi.

Sumngo = Greece

A phei sumngo pen Greece kumpi cihna hi, leitung a uk kumpi gam hi a B.C. 331-168 sung uk hi.

Kahpasik = Rome

Akhe kahpasik pen Rome kumpi cihna hi. Thuneihna tawh leitung mite nopna ah ahuzap kumpi gam hi a B.C. 168 pan A.D. 476 sung uk hi.

Sik leh Buan = Akitam kham kumpi gam

Akhepeek pen sik leh buan kigawm hi a, akitamkham kumpi gam cihna hi-in sik leh buan akgawm theih ngeiloh mah bangin A.D. 476 pan kipan a thahat gam khat bek in leitung bup uk cih om nonlo a, Zeisu hong kumkik dong kikhen paisuak ding hi.

Suangtumpi = A tawntung Zeisu Kumpi gam, A Kammal, leh A Thukham.



©Review and Herald